


33 71

地 732.7
43.91

臨
湘
山
志



序

記曰有功烈於民者則祀之又曰能禦大菑捍大患則祀之故凡功在當時澤及後世生而爲英歿即爲靈者皆宜在崇祀之列不以隱顯異也長沙臨湘山陶真人叔侄太尉侃之後晉隱君子也歷史地志具詳其行事顧何以迄今千有五百餘年廟貌巍然崇禋弗替與龍潭李真人後先並峙嘗徵清道咸間軼事來撫是邦者每逢大旱祈禱輒應活生靈無數又復保護危城驅除蝗患迭荷褒封列入祀典則知有功德於民生非如世俗木雕泥塑一切受人諂媚者之所爲也昔唐狄梁公一朝毀

臨湘山誌

序

天下淫祠一千七百餘所獨留神禹吳秦伯季札伍員四廟而妖異不與則夫二真人者雖百世下亦孰可議其非而不極意崇拜也哉同邑陳君文幟慷慨有爲不避非議都人士公推廟董陳君與焉詳覽文牘歷更多事幸賴衆志成城毅力支住得有今日陳君尤慮滄桑多故古蹟邱墟迺集真人顛末及廟產經過事實都爲一帙顏曰臨湘山志目凡七一傳贊二碑記三秩祀四公牘五契約六經界七聯額斯志也匪徒供人瀏覽尤冀閱斯志者知爲昔賢遺蹟地方公產相與竭力維持也查民國五年十月內務部通咨各省調查古物列表到部文內載

古代壇廟寺觀及一切古建設古名勝古植物之屬無論國有公有私有一律注意保存同時內務部又訂定保存古物暫行辦法內載古代祠宇之屬凡係名人遺蹟皆宜設法保存其有關地方名勝者應由地方官或公共團體籌資修葺並載故國喬木風景所關應與碑碣造像同一辦法責成所在地加意防護禁止剪伐云云且查內務部咨行各省管理寺廟條例第十條有寺廟財產不得借端侵佔之規定執是以論臨湘山固古代仙踪又榔梨名勝確爲地方共有之廟觀財產應受法律上之保護陳君深有見於此與同志黃籽與胡汝恒曹邵德曹

臨湘山誌

序

可陶陳卓銘周季衡吳沛棠侯甫泉易松泉常有餘柳象丞龍
滙泉陳松舟王道方劉樹壬易叔林鄧慶臣黃伯元劉桂芳蔡
少春羅冬陽劉伯衡草樹榮王佩璋王範堂黃炳耀王道腹黃
仲元柳兆蓉徐月盈柳福齋黃魯藩李文元劉在申柳祿階何
筱初盛紹裘畢澍生朱象丞陳其昌趙雲龍諸君爲未然之防
徵已往之實書既輯成行付手民陳君囑壬冠其首壬以昔賢
事蹟未可湮沒同人毅力宜益堅忍未敢以不文辭已而悵然
曰山不在高有仙則名千百年來固無人知有臨湘山者此志
一出又無人不知有臨湘山山固有幸有不幸天下事如斯山

者何可勝慨自古黃帝龍飛徒遺弓劍王喬屨化空詔神奇未
若真人之功德昭垂山與人之俱足千古也後之讀斯志者倘
能繼陳君諸人之志而維持於不敝焉則尤吾人之所馨香頂
祝者矣是爲序

中華民國拾壹年夏正八月中秋日長沙王錫壬謹撰

臨湘山志目錄

長沙陳達助彙輯

一傳贊

晉書本傳隱逸

湖南通志祀典

湖南通志仙釋

長沙府志方外

長沙縣志秩祀

長沙縣志仙釋

湘陰縣圖志山志

湘陰縣圖志古蹟

湘陰縣圖志營造志

李文炤陶真人贊

臨湘山誌

目錄

二碑記

李光寶陶真人廟碑記

吳大澂陶公廟碑

黃昌年陶真人續記

曹惠臨湘山石礪岸記

三秩祀

清咸豐二年部覆

清咸豐十一年部覆

清同治十一年部覆

四公牘

清長沙縣沈佈告

都總曹可陶等呈長沙縣公署文牘

長沙縣知事楊繼猷批牘

長沙縣知事姜濟寰呈省公署文牘

省長譚延闓批牘

長沙地方審判廳民事判決書

長沙縣知事姜濟寰呈湖南高等審判廳文牘

長沙縣知事姜濟寰佈告

長沙縣知事周瀛幹佈告

五契約

柳翠峰捐約

慶福堂捐碑

朱體辰捐碑

六經界

臨湘山誌

目錄

二

陶真人廟界

廟後外圍山界

廟灣莊業界

夏修塘莊業界

七聯額

山門聯三則

戲臺聯三則

前殿聯四則

正殿聯三則

後殿佛堂聯二則

朱熹題額

同治御書額

羅典題額

萬貢貞題額

吳大澂題額

何 樞題額

但湘良題額

餘未錄

臨湘山誌

目錄

三

臨湘山志

傳贊

晉書本傳隱逸

陶淡字處靜太尉侃之孫也父夏以無行被廢淡幼孤好導養之術謂仙道可祈年十五六便服食絕穀不婚娶家累千金僮客百數淡終日端拱曾不營問頗好讀易善卜筮於長沙臨湘山中結廬居之養一白鹿以自偶親故有候之者輒移渡澗水莫得近之州舉秀才淡聞遂轉逃羅縣崑山中終身不返莫知所終

湖南通志祀典

陶真人祠記 晉陶淡及其姪烜咸豐二年以祈雨顯應敕封淡孚佑真人敕封烜福佑真人十一年三月禮部議准列入祀典春秋仲月遣縣丞前往槩梨市致祭陳設果五盤核桃棗栗饅首五盤蒸糕五盤餅四盤高頂一盤 祝文 惟真人簪纓舊派仙釋芳踪不事清談遠邁竹林之二阮安於疏野差同李氏之十郎骨本非凡

臨湘山誌

心原是佛能禦災而捍患惠徧生民爰崇德而報功典隆聖世明禋休享靈異益昭茲屆仲春虔仲殷薦庶幾來格鑒此精誠尙享

湖南通志仙釋

陶淡太尉侃之孫少孤好道餌靈草辟穀研窮易卜結廬長沙臨湘山一白鹿與居三白鶴常侍左右與其姪烜鍊形尸解遺蛻俱存今槩梨市咸豐二年敕封淡孚佑真人烜福佑真人

長沙府志方外

陶淡晉太康時人太尉侃後少孤好道餌靈草辟穀研窮易卜偕其姪烜結廬長沙臨湘山一白鹿與居三白鶴常侍左右隱湘陰白鶴山祠在今槩梨市肉身現存同郡李文炤引陳眉公語贊之曰既爲男子肯與草木同灰露盡英雄乃以神仙退步

長沙縣志秩祀

陶真人廟在明道都六甲槩梨市真人名淡與其姪烜學仙辟穀鍊形尸解今廟祀



二肉身乃真人叔姪之遺蛻也中錄李光寶碑記節相傳廟建自梁天監中迄今千餘年矣歷代屢經修葺國朝乾隆中衆姓捐資重修嘉慶十年置買土地嶺下修塘大水坪等處糧田二石八斗二升每歲收租以供香火亢旱水災祈禱輒應咸豐二年真人叔姪俱膺封號十一年三月禮部議准列入祀典春秋仲月縣丞前往梨梨市致祭祭費銀四兩下與府志同節

長沙縣志仙釋

陶淡太尉侃之孫少孤好道餌靈草辟穀研窮易卜結廬長沙臨湘山一白鹿與居三白鶴常待左右與姪鍊形尸解遺蛻俱存今梨梨市考東坡集云晉史隱逸傳陶淡字處靜太尉侃之孫也父夏以無行被廢中略陶士行諸子皆凶暴不獨夏也而諸孫中乃有淡曾孫中乃有仲德敬通之流皆隱約有行義又皆貧困何也淡高逸如此近類得道者歟潛近親而潛無一言及之此又未喻也戊寅九月七日閱晉史偶錄之以俟知者儋州城南記此可爲真人之證

臨湘山誌

湘陰縣圖志 山志

隱居山 案晉書陶淡轉逃羅縣埤山中卽此

湘陰縣圖志 古蹟

陶隱居採藥處 註晉陶淡採藥於此因名

湘陰縣圖志 營造志

陶淡故宅 晉書淡結廬長沙臨湘山中州舉秀才轉逃羅縣埤山中蓋由隱居山轉入白鶴山今白鶴山下有淡故宅鄭國貞詩云層巒回互處爭傳陶隱居四山雲水合白鶴還有無寒煙蔽崇岡靈泉繞丹鑪宏景旣已遐淵明亦云徂寥寥千載後邱壑長空虛

李文炤陶真人贊

神仙之說自古有之彭祖商容老聃遞相授受更歷三代其象著於大易其法備於陰符班班可考也蓋萬物之生負陰而抱陽冲氣以爲和迨七竅鑿而渾沌死矣爲

仙術者有內丹以固其性情則太初爲鄰有外丹以鍊其魂魄則金石不朽故獨得深根固蒂長生久視之道乃列莊之徒遂張大其說以與內聖外王之道相抗衡則過矣陶氏之先有桓公者才足以克復神州力足以匡天下不幸而有志未伸然猶功在社稷澤被生民以故其後世每多賢裔若靖節先生者雖列之古逸民中亦無愧焉吾鄉梨市有守靖真人諱淡字處靜與其姪鍊形尸解遺蛻尙存相傳以爲桓公之孫也夫以公侯世胃而辭榮耽寂豈有感於溫元循裕之擾攘遂長往而不悔與蓋君子藏器於身必兼善天下而後慊於志故靖節亦云如彼稷契孰不願之然或時命大謬而又不得大聖大賢以爲之依歸遂激而爲方外之學非得已也陳眉公云既爲男子肯與草木俱灰露盡英雄乃以神仙退步旨哉言乎顧世俗徒以衝舉拔宅之說相矜誇斯淺之乎爲見矣予家去真人宇二十餘里每瞻遺像不勝慨然昔屈大夫作遠遊之篇朱晦翁訂參同之簡古之人諒亦有同情也夫

碑記

臨湘山誌

三

李光寶陶真人廟碑記

真人名淡字處靜晉隱君子也隱非仙而稱仙者何神乃形也仙無形而住形者何形乃神也志載公好道結廬長沙臨湘山馴白鶴三白鹿一卒率姪辟穀湘陰白鶴山夫子弟與偕飛走與狎豈曾絕物駭俗哉當晉室兆亂銅駝荆棘朝士相率掛冠至草澤俊民沿東京激詭之氣遁爲清談清談既悔而幽巖孤特輩遂蹈長生退著是皆大不得於君臣朋友間其時太尉侃開府湘城公挈丹鼎而息城左之梨梨江一顯一晦陶氏信多達人在深於幾者則灑然不以彼易此也公亦雄傑矣哉志又曰公少孤精研易卜理其遭稽其志斯足印所學云

吳大澂陶公廟碑

自古聖賢窮則獨善其身達則兼善天下有功德於天下者天下之人景仰之有功德於一鄉一邑者一鄉一邑之人敬禮之生而爲英死而爲神俎豆千秋流澤百世此大丈夫得志於時者之所爲也至不得志而遁跡山林與麋鹿友求導引之術精

修鍊之方似獨善其身而無志於人世者然而道濟天下之心不以窮達異不以生死間聖賢此志仙佛亦此志或修德於數千百年之前著靈於數千百年之後其顯晦之有時與抑亦有幸有不幸與志稱陶公諱淡太尉侃之孫少孤好道餐靈草辟穀研窮易卜結廬長沙臨湘山一白鹿三白車常侍左右與姪烜鍊形屍解遺蛻得存今粟梨市廟建自梁天監中大旱水災祈禱輒應咸豐同治間敕封公孚佑昭顯真人並封公之姪福佑靈應真人光緒乙未四月天久不雨鄉民皇皇慮旱魃之爲災乃迎公之像共奉於長沙城隍廟不數日大雨三晝夜秧田得資灌溉士民感公之澤躬送神像還山不下數千人自五月至閏月旱益甚渠塘水涸苗將槁矣大激躬赴粟梨恭奉公與公之姪之像復迎至城率司道文武潔誠祈禱粵丁巳日雨始降庚申大雨翌日復雨湘之士民欣欣然有喜色爰謀擇地建廟於城中安公之神以抒報饗之誠禮也余謂公以名臣之孫辭榮耽寂若不得已而爲之者名在晉史隱逸傳知之者鮮矣乃功德之及民在千五百年之後禦災捍患如響斯應知公之

臨湘山誌

四

聰明正直有霖雨蒼生之志鬱之一時而發之千載故與湘人有香火之緣抑由湘之士民敬公墓公至誠之所積有以感召之與余以德簿運蹙不能爲民請命幸公之靈默佑而保護之宜與士民同申其寅感焉謹爲之記而泐之石以詔來者

黃昌年陶真人續記

自昔門列鼎鐘別生福慧家承圭俎輒遁神仙有大徹悟斯有真焚修若今粟梨市陶真人者足尙已列仙傳載馬明生從安期先生受金液神丹不樂上昇服半劑爲地仙道家言枸杞茯苓參朮服之獲上壽或不輩血不色慾必能降真爲地仙顧世上地仙無逾此年代遠者長沙縣志載陶淡字處靜太尉侃之孫其姪烜字太仁查房喬晉書鄭樵通志隱逸類祇敘陶淡事蹟自是竹林之賢多稱阮籍昌黎之傳不著韓湘無足深疑也特方志名字輾轉相承或係家譜之流傳僅存稗官之散佚旣爲同志本可齊觀真人淡之父夏爲太尉第三子曾襲世爵事具侃傳及庾亮奏章無庸多贅乃以少孤相將兄子脫蹤千乘躡屩百尋賣卜星沙潛蹤荻港欲躍安公

之治化雀通天不燒弘景之丹飛鳧謁帝晉人好事親故有相慰者輒移渡澗水以避之州舉秀才遂轉逃羅縣碑山中終身不返送酒王宏安知高士掛冠彭澤並擅家風宜乎名居貞白之先傳列淵明之上矣嘗讀蘇長公集見其儋州城南閱史偶錄一則頗怪陶潛與淡近親集中無一字及之則自五馬浮江銅駝生棘衣冠緒族緇羽銷聲家園且斷音書門閤或殊悵趣是又無庸咄咄者昌年自幼飫聞真人功德若清道咸聞之祈雨澤保危城除蝗害迭見神異遺老有見之者述其狀魁梧面黝澤目光奕奕不類今世人至廟徵之匾額碑文及前後奏章封敕唯宋乾道五年朱熹所題德化無疆四字最早責歸典守理合護持由廟前涉級而上高可百尺古木刺天蔭蔽左右是曰臨湘山自瀏陽諸山蜿蜒而來重巒疊嶂若衆星之環拱少微山側俯瞰江流受納瀏西諸水渟瑩可鑒洵宇內小洞天也埤山據湘陰縣志今爲西隱居山尙有陶公故宅及採藥處舊稱埤山者蓋埤附於長沙境內之隱居山云爾史志謂其終身不返或自斯山戡影遺蛻舊廬世少知之者歟夫其夢醒繁華

臨湘山誌

五

斷六塵於慧劍神棲冥窈收千劫於慈航行地行天亦仙亦佛乃四大至高之行爲三清無上之宗是故黃帝下拜廣成老彭見推尼父誠知其有所得也否則如虢公之諂神郤氏之媚道究何益哉敢告邦人共祓濯於虛靈之府願留古蹟得優游於風景之林是爲記

曹惠臨湘山修石劂岸記

中華民國六年議脩石劂岸長沙黃厚澤胡士杰陳聯笙王佩璋蔡正元黃厚濤徐月盈等實董其役功經數歲積洋八千餘元勸募誠不易矣臨湘山本晉陶隱君與其從子得道處多歷歲時頽骨不腐里人驚以爲神黃君等以報神之故屢得集事往來者亦以神之靈得不顛越天下事作如是觀凡齟齬纖忽之界致令事物頽廢不舉者小丈夫也刻石題名用張大惠

秩祀

清咸豐二年部覆

咸豐二年七月初九日准禮部咨開祠祭司案呈先經本部議覆湖南巡撫題請長沙縣真人陶淡暨姪陶烜請敕賜封號一摺於咸豐二年五月十二日奏本日奉旨依議欽此隨經本部抄錄原奏先行知照湖南巡撫並移會內閣典籍所撰擬封號各字樣去後今准內閣交出陶淡封號奉硃筆圈去孚佑欽此陶烜封號奉硃筆圈去福佑欽此

湖南巡撫臣駱秉章恭錄

清咸豐十一年部覆

禮部謹奏爲遵旨議奏事咸豐十一年二月二十二日禮科抄出湖南巡撫臣駱秉章等題爲長沙縣叔姪祠廟請加崇祀一疏奉旨該部議奏欽此欽遵到部查原題內稱長沙縣陶真人廟祀槩梨市諱淡暨其姪諱烜道光二十七年大旱禱雨靈應咸豐二年保護危城七年八年飛蝗爲害神風忽起蝗患隨除已蒙敕封淡爲孚佑真人烜爲福佑真人雖有封號未列明禋理合會題請加崇祀等因臣等查例載各

臨湘山誌

六

廟正神實能禦災捍患有功德於民者准該督撫查明疏請又載如顯應素著歷有年所即准列入該縣祀典等語又查咸豐二年議准陶淡敕封孚佑陶烜敕封福佑等因亦在案今真人陶淡陶烜既據該撫取據事實冊結及祭品清冊送部臣等公同酌議核與定例相符應如該撫所請准其列入該縣祀典其祭品銀兩照例報部核銷所有臣等遵旨議奏緣由是否有當恭候命下臣部行文該撫遵照辦理爲此謹奏三月十八日奉旨依議欽此

清同治十一年部覆

同治十一年十月初三日准禮部咨開祠祭司案呈本部議覆湖南巡撫題請敕加陶真人叔姪封號一摺於同治十一年六月十四日奏本日奉旨依議欽此當經抄錄原奏移會內閣撰擬封號去後今准內閣交出湖南長沙縣陶真人淡封號奉御章鈐出昭顯欽此陶真人烜封號奉御章鈐出靈應欽此

湖南巡撫臣王文韶恭錄

公牘

清長沙縣沈佈告

在任候補府特授湖南古丈坪撫民府調署長沙府長沙縣正堂加五級沈爲出示曉諭事案據明道粟梨市陶公祠董事綏靖總鎮陳海鵬協辦侍讀周銑詒萬壽都都總職員曹龍臣明道都都總胡耀卿安徽州判彭又生湖北州判柳杏農職員柳青舫楊文圃生員曹廣祺柳象臣知府柳彥雲訓導柳次華等以公懇立案以全香火事公同稟稱竊粟梨市臨湘山陶真人成道於茲神靈昭著列入祀典早歲有柳景者田一莊在明道都九甲橫街後新塘廟所捐田一契大小不計坵私塘一口廟塘公車公蔭神山塘蔭路邊長坵一坵下西塘澈底車蔭泉塘蔭田二坵蓮塘蔭田二坵批規元銀百兩整每年收府斛租穀三十八石整糧載明道都九甲十區册名臨湘山歷管無異但年湮代遠柳景不知捐於何時而契據亦不知遺失何日恐日後有不肖住持私自典賣好事擅越藉故侵蝕廢神前之香火負施主之善緣祇得

臨湘山誌

七

縷陳賞准立案永禁典賣契據無論已稅未稅作爲廢紙泐碑石以垂久遠功德無量沾恩上稟等情到縣據此除批示外合行出示曉諭爲此示仰該廟住持僧人及各色人等一體知悉所有早歲柳景捐田一契無論已稅未稅日後作爲廢紙倘有私自典賣情事許即稟明以憑拘案究辦決不姑寬毋違特示

光緒三十四年四月十七日

都總曹可陶等呈長沙縣公署文牘

民國五年四月

爲懇請批示遵行事竊陶公廟因招僧住持爭訟一案昨經傳集都團公議因陶公廟載在祀典廟產亦係地方人衆公捐全屬地方公廟與僧家自行募化成立之廟截然不同且有縣志前清官示爲憑自無辨論之餘地惟彼此因招僧住持致釀訟端殊屬所見甚小因決議兩方所招僧靜機西霞均行取消以免無謂爭執並請俯賜酌量札飭地方紳耆另行招僧住持並妥訂善後章程以融感情而杜後累理合稟請台前俯賜察核施行謹稟旋奉

長沙縣知事楊繼猷批 查此案僧靜機與西霞因爭住持涉訟經地方紳董理處兩造抗論不休迨經余前縣集訊將廟產斷歸僧人私有致原提學費無着而地方紳董又不服本知事到任即據僧西霞等及各都團校長先後赴巡按使湘江道及各衙門續控奉批飭查乃攷查舊志檢閱卷宗備知爭訟之由來而訟蔓不可不速斬也查陶公廟爲數千年古刹係由地方人士捐建載在縣志卽有田產亦係樂捐並非私資所購是廟產爲地方公產無疑僧超凡之不能變賣僧西霞靜機等之無庸互爭也明甚民國改革僧常清超凡等不守清規爲地方所驅逐乃招西霞入廟住持嗣超凡求之地方士紳復行入廟爰將廟田酌提租三十石以充地方辦學經費餘租二十六石爲廟中香火及住持火食另有柳翠峯即柳景所捐田計租三十石爲超凡所盜賣另稟由縣查追相安數年尙無異議去年八月超凡病將不起僧西霞以伊非超凡支派亟召靜機住持其意以靜機爲天妃宮住持決不利其所

八

臨湘山誌

以僧人所爭者住持而已尙以度外置之迨集訊之後廟產斷歸僧人私有學費竟歸無着於是乃羣起而爭若不速予斬絕訟根必致廟產成空卽學費終歸烏有就案情而論肇訟者爲靜機西霞二人倘仍聽其常住則爭端必無已時該二僧應均不准住廟由地方另擇恪守清規之僧人入廟住持以侍香火現存廟產永遠保存每歲仍提租三十石爲學款經費其餘租二十八石仍作廟中香火及住持火食卽由該紳等會同各紳耆妥爲清理毋庸再行爭執並將遵辦情形稟復以憑通詳立案至超凡盜賣之田是否由馮其昌堂串買應否回贖並由該紳等會籌具復此批

長沙縣知事姜濟寰呈省公署文牘

民國六年

呈爲據情轉呈懇請示遵事據明道萬壽龍喜鎮鄉公民胡士杰易象堯柳大藩戴意誠黃岳曹武柳正祐黃厚澤陳達助曹夔臣鄧侯棻等呈爲請示立禁事緣明道都粟梨市臨湘山陶公廟係數千年古刹廟田二莊共計八石八斗二升糧載明都六甲七區册名臨湘山正銀五分六甲八區册名臨湘山正銀七錢七分八釐七甲

九區册名臨湘山正銀三分二釐九甲九區册名臨湘山正銀一兩一錢二分六釐
歷歸地方公管其土地嶺下修塘大水坪等處田二石八斗二升載在縣志前清光
緒三十四年又經廟董陳海鵬等稟請前縣沈示禁典賣有案惟廟灣田六石莊屋
二棟契據不知何時遺失深恐日久弊生士杰等會同團鄰清查歷管田畝蔭注圍
土山界理合詳細粘陳呈請立案泐碑並懇出示曉諭以垂久遠而杜覬覦再上列
公租原案除土地嶺下修塘大水坪歲租三十八石全數撥作梨江女校經費外其
廟灣歲租五十餘石每年以二十六石作廟中香火費及僧人食穀餘仍作津貼梨
江女校及完糧歲修之用合併聲明等情並粘附清單到縣據此知事查該廟田產
歷管無異其契據遺失亦係實情既據該公民等會同團鄰清查界址自應准予示
諭其以廟租作為香火及津貼學校之用處分亦屬悉當理合呈請鈞署俯賜察核
批准備案施行謹呈並抄呈清單一紙旋奉
省長譚延闓指令呈及清單均悉據稱該廟田產歷管無異其契據遺失既經該知

臨湘山誌

九

事查明屬實應准備案單存此令

長沙地方審判廳民事判決書(簡字第二七八號)

原告黃本炎 戴意誠 易象堯 被告馮濟生

右代理人李潤誠 右輔佐人施文生律師

右開當事人因公產涉訟案件經本廳審理判決如左

主文

下修塘田業二石八斗二升應歸陶公祠管業每年歲租准撥梨江女校充作常年
經費訴訟費用歸被告人負擔

事實

理由

查本案訟爭要點即第一下修塘田業二石八斗二升究竟是否柳松林祖上柳景
捐助於陶公祠第二被告取得該田之所有權能否發生物權法上之效力是也

就第一點言之查田畝捐爲廟產即已屬之該廟雖施主後裔無主張所有權之餘地此三年八月十三日大理院上字六四九號之判例也本案陶公祠下修塘田業無論其捐約之有無瑕疵捐入之年分是否在嘉慶十年而中間經過同治十三年之列入縣志光緒三十四年之出示通告立石招佃盡管有之能事完糧撥戶盡納稅之義務其顯然爲柳姓捐入之廟產柳松林爲施主後裔當然無處分之權已可就其他證據並種種事實以證明之固不必查捐約之有無作判詞之基礎此據柳松林具結證稱田係嘉慶年間撥租與陶公祠光緒初年始歸陶公祠收租完糧云云則光緒初年已早歸陶公祠收租管業迄今亦已經過四十餘年柳景後裔斷不止松林一人何以歷年許久竟無一人出而收回其爲明知祖上所捐助子若孫不敢撤消祖宗之行爲更屬彰彰明矣此本廳認爲下修塘田業確爲陶公祠之廟產就第二點言之查所有權之移轉非由有完全處分權之當事人爲法律上之意思表示當然不發生物權法上之效力此三年九月十七日大理院上字七九九號

臨湘山誌

十

之判例也本案被告向柳松林受買下脩塘田畝無論其爲善意惡意無論其契中寫明由出筆負如何之責任而該田之物權早已屬諸陶公祠該捐助入後裔柳松林對於該項田畝當然無權處分即其物權移轉之意思表示(買賣契約)在法律上亦當然不生效力故該被告人取得該田其物權之權源本無根據除向出主柳松林主張債權以資救濟外實不能認其取得爲有效且無對抗第三人之餘地此本廳認下修塘田業不應歸屬於被告人之所有 依上論結下修塘田業二石八斗二升確爲柳姓捐助於陶公祠該陶公祠已早取得其所有權原告等主張將陶公祠每年收入該田歲租撥充梨江女學校常年經費既已奉有行政衙門變更目的之處分自可作爲本案判斷之基礎故本廳認原告等確定物權存在之請求謂爲有理由應即予以判決訴訟費用照章歸敗訟人負擔特爲判決如主文

長沙地方審判廳民事簡易庭

推事 婁彝
書記 孫燦

民國六年八月十一日